

¿PIRI JU ECHI TRANSPARENCIA? ECHI KO JU NE ALA MACHINÁ NIRAA NOKIWAAMI

Compendio sobre transparencia en lengua Ralámuli

Echi namuti japi ne ala machiná niraa newariwelitiami ju, echi isimí ala machiná niraa machiria, japirika ju japalí ta ineni ala rajaachi echi naí, echi rayenali ma, japalí ta omero ala niraa inenia japalí nirulisa bile namuti echoná bawechi aye we rokoachi.

Japalí ta ra'ícha bile waluala wiliami kitra, japi né ala machiná niraa isiami ju japi iki namuti isimí, tamojé ko aninali kiti ta a omeronali inenia japi noka echi tamoje jawaamiwala ata machiboa echi ra'íchali a nijisaka japalí ta tani, we nali kiti ta né ala sebalí machiboa echi ra'íchali a nijisare japalí ta tani, we nali kiti ta né ala sebalí machiboa echi ra'íchali we nateami ata tasare kiti né ala machiná niraa aniami nisare kiti ala namipa, a nijisare né japalí ta tani ali a ra'íchaami nisare né ala bichiwaka niraa, ali né ala machiná niraa anisare, ali né ala sebalí niraa anisare ke me jilirami nisare echi ra'ícha kiti ta ala namipa, ali japire a omerisiwaka a osisare ralamuli niraa

Japire ta a iyasiwaka echi ra'íchali japi echi weala jawaami ola, ata machiboa japi noka echi tamoje jawaamiwala, ali ko a omeropa aniyá japirika ta nata, ali echirika ayenacho a nikuuropa aniyá chirika nokisarika kiti ala niraa pirelipa.

Echi pagótami japi nocha echi weala jawaami yua, wikanamti rikaachi japirika echi bisirensiachi, ali Estadochi, ali Méjiko,

a ne jiwerili ju kiti a nijisare echi ra'íchali we nateami ke tasi jeansare ke tasi sinéami omeroma narea echi ra'íchali, ali ke tasi cho jeansare echi umuki tasi omeroma narea echi ra'íchali, pe ralamuli chopi, japi ola bile bichiwiliami, echi japi ke tasi ra'ícha ichapuchi ke tasi cho iyasare echi ra'íchali japi katewika noka echi weala jawaami, sinéami a ola echi wachiami kiti a iyarami nima echi ra'íchali we nateami, ke tasi bile bujeraami nisare japali narela echi ra'íchali.

Jena wachiami ko jerika rewaliwa, wachiami japi omeropa narea ra'íchali we natéami, pe ke tasi jenaí chihuahua bi pireami ola echi wachiami, sinéami pagótami omeroma narea echi ra'íchali we natéami, kiti bela ra'ícha jena wachiami kitra echi wabe walubeala nulaliwami Méjiko niruami, ali echi nulaliwami Chihuahua niruami, ali echi katuwiliami japi wikanaka países katuwika nokali ali uchuchali echi rewala echoná oselichi

Echi tamojé Diputadowala nokali kiti nirulima jena nulaliwami, echi japi isiima kiti né ala machiná newariwelima japirika noka echi weala jawaami, ali kiti ayenacho a narepa echi ra'íchali we natéami japi sinéami pagótami níwala jú jenaí Estado Chihuahua,



jena nulaliwachi ko aniwá kiti né jiwerili nokisare kiti né ala machiná newariwelima suwaba nochali japi noka echi weala jawaami, ali kiti ayenacho a nokiwá kiti a nirulima echi nulaliwami japi isiima kiti sinéami a omeropa olayá echi wachiami kiti ta iyarami niba echi ra'íchali we natéami, nali nisare ala namitami ali we sapu.

Echi japi né jiwerili jú kiti a nijisare echi ra'íchali we natéami, echi ko nisare echi siliami Chihuahua niruami, echi oyeriami japi Juez aneliwawa ali echi japi narela winomí japi sinéami níwala jú.

Sineami a olasare oficina, jerika aniami "japoná nokiwá namuti né ala machiná niraa" japoná a omeroma simibaa chuwe pagótami kiti osimea bile oselí japoná tama echi ra'íchali we natéami, ra'íchaka, osaká ma, ayenacho a omeropa taa echi ra'íchali correochi kitra telegrafochi ma.

Jena ko tasi me jilirami jú, we nali mi a anisare chi iyiri waluala wiliami mi taninali echi ra'íchali, ali chi iyiri ra'íchali ju japi mi taní ali kumi mi naki kiti mi julipa echi ra'íchali, ayenacho aniboa acha tami nakia kiti julaba echoná japoná tami pire,

jena ko a we sapu omerowa nijia tasi simarosare makoi rawe japalí ma nijisare echi weala jawaami, nali ke tasi tarasare sabtoko ali omeachi.

Echi nulaliwami ko a né jiwerili nuleka isimí echi japi nochaami ju echoná japoná né ala machiná niraa newariwelitiwa japi iki namuti nokiwá, echi ko a ku'írosare echi pagótami japire ke tasi machisaaka jepuka ju echi waluala wiliami japi nijima echi ra'íchaliwe natéami, japi newaleliwa japi machinaliwa japire ke nirulisaka japoná nawama japoná julaba echi ra'íchali we natéami japi ta machinali a anesare kiti ta naki kiti nawama echi ra'íchali echoná japoná machiná newariwelitia japi iki namuti nokiwá, echi japi nochaami ju echoná echi aniraale kabu iyena ta checho ro'íba kiti ta machiboa acha ma nawala echi ra'íchali we natéami japi ta tali.



Japire mi ke siminaliaka japoná wili echi oficina ami tasa echi ra'ichali we natéami computadorachi kitra echonati kitra ko chuwe pagótami omeroma taa echi ra'ichali we natéami ali chuwe rikaachi jonsa omeroma taa.

Echonati kitara ko chuwe pagótami omeroma taa echi ra'ichali we natéami, a chuwe rikaachi, japi kumi iyena ma rikaachi jonsa a omeropa narea echi ra'ichali echonati kitara computadora aneliami japi isimí kiti omeropa julaa echi oselí japoná ta taní echi ra'ichali we natéami, nali echoná oselíchi inarosare echi waluala wiliami rewalá japi taniliwa echi ra'ichali we natéami.



Japire echi pagótami japi tanali echi ra'ichali we natéami ke tasi machiami nisaka neea echi computadora a omeropa taa pe ra'ichaka, ali echi pagótami japi nochaami jú echoná a osisare computadorachi ali julasare echonati kitara kiti narema echi waluala wiliami.

Echi waluala wiliami a animeire ma kiti ke omeroma nijia echi ra'ichali we natéami japi taniliwa, japire echirika nisaka a osaká iyasare echi japi tali echi ra'ichali japoná animea chisia ke tasi omero nijia echi ra'ichali echi waluala wiliami, tasi simarosare makoi rawe japali nijisare echi oselí echoná oficinachi nali ke tarasare sabtoko ali omeachi.



¿Chisia a omeromale ania kiti ke tasi omeroma nijia echi ra'ichali we natéami echi waluala wiliami? Kiti isini kaachi aniruami kiti ke wesi machisare echi ra'ichali we natéami, we nali echi japi ke tasi omerowa nijia a mi we ala ruyeraami nisare chisia ke.


Echi waluala wiliami a omeroma ania kiti ke tasi omeroma nijia echi ra'ichali we natéami japali newariwelisa kiti risoa oyolitami nima echi pagótami japi nocha echi waluala wiliami yua, we nali a omeroma nijia echi ra'ichali we natéami japali ma newariwelisa kiti ke tasi risoa ikimea echi pagótami.

Echi nulaliwami ko ani kiti echi waluala wiliami ko ke tasi sine nijisare echi ra'ichali we natéami japoná ani jepuka ju echi pagótami, echi ra'ichali japi we natéami ju, japi pe echi pagótami bi níwala ju, pe echi pagótami bi a omeroma nijia risensia kiti a machiruami nima jarecho pagótami kitra ali ko a omeroma nijia echi waluala wiliami echi ra'ichali.



Japire mi ke tasi katuwisaka japirika ani echi ra'ichali
japi nijili echi waluala wiliami, ali japali mi anesaa ma
kiti mi ke tasi omeroma machiyá echi ra'ichali, ali
ayenacho japali ke tasi ala tibusa echi pagótami
oseliwaala japoná ani jepuka ju echi pagótami, echi
ichitaip nochaami mi ku'íroma ala niraa inenia echi
ra'ichali acha alaka japirika nijili echi ra'ichali echi
waluala wiliami we nali mi we sapu simea rowa
echoná ichitaip japire ma simarosaka makoi mali rawe
ma ke tasi mi omeropa ku'íria.

Kiti mi a ku'íroma echi pagótami japi nocha echoná
ichitaip, ami tosare echi oselí japoná ani echi ra'ichali
japi mi ke tasi katuwi japirika ani echi waluala wiliami
japali mi narili.



Jena oficina ko wili echoná Teófilo Borunda #2009 COL. ARQUITOS Chihuahua, Chihuahua

Japire tami ra'ichanalaka telefonochi kitra jena ju (614)201-33-00

